

【國家社會科學基金重大項目】

何建明 主編

中國地方志
佛道教文獻匯纂

寺觀卷

(117)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（117）



國家圖書館出版社

中國地方志佛道教文獻匯纂·寺觀卷
浙江省 杭州市

瑞石山志

清·莫栻輯
清抄本

瑞石山志

外紀

脩瑞石山志將次告竣綴以藝文為曲終雅奏延
藝文之外其有類無可從而義有足采者因倣左
氏外傳例別為一冊以資談柄若夫詭譎之事怪
異之說與夫言無根據辭不雅馴者雖外紀亦不
敢關入志慎也志外紀

紫陽洞天有寶蓮屏擁古洞留雲江城鎖霧石橋飛
瀑晚江渙陣夜月銀濤海門日湧萬井流星八景

凌紹雲道院志係載其目張士偉勝境歌亦叙述
及之但其名不知起于何時特標出以俟考
吳山考古

瑞石山在南宋為禁山惟韓侂冑得賜第于寶蓮山
下上掩瑞石後平原第廢至嘉定邑人胡傑建集
慶堂楊節使亦廢寶蓮寺為園一時園廬相望為

瑞石建置之始

青湖雜志

宋紹興四年詔守臣梁汝嘉創太廟于瑞石山左宗
任希夷宗祀慶成詩合宮三歲緝儀收太室先期

肇自周王瓚黃流躬祿屯大主元冕薦嘉羞靈臺
畢舉三千禮鑒輅安行十二旂導從却歸齋殿去
詰朝牲璧對天休紫宸朝罷御端門天宇澄清景
氣溫丹鳳樓中黃繖立金鷄竿上彩旗翻萬人聳
聽風雷號四海均霑雨露恩須信卑躬勤肆禮君
王雅意在元元咸淳臨安志

吳山屹峙城中由麓而上皆仙宮梵宇而重陽紫陽
為尤著紫陽峭拔嶙峋如削出芙蓉玲瓏照耀重
陽在左偏宅幽勢阻林木蔽虧斗折而升西興蕭

然諸山出履屐下二菴之形勝相埒如此以今攷
之重陽當宋穆陵臨幸之後尚有與區紫陽遺跡
最擅吳山今浮沉榛莽矣

季琮重
陽菴記

韓平原第在瑞石北阜開禧末改為寺監齋舍生有

題二絕于壁其一云掀天聲勢祇冰山廣廈空懸

十萬間若使早知明哲計肯將富貴博清閑

宋百
家詩

事紀

中國地方志佛道教文獻匯纂·寺觀卷
浙江省 杭州市

靈

峰

志

周慶雲輯
民國元年（一九一二）刻本
夢坡室藏版

靈峰志卷一

烏程周慶雲夢坡輯

山水

西湖山水甲天下春秋佳日游人如織花上曬
褪松間喝道致令巖壑之趣沒於紅塵之中良
可惜已若靈峰者地處僻遠蹊徑幽深爲游蹤
所罕到林木蓊鬱泉流清冽足以供吟眺而濯
塵襟宜乎峰以靈名也述山水第一

靈峰山

在青芝塢西

康熙錢塘縣志

自玉泉折而西北曰青芝塢其西曰靈峰多名墓

毘陵鄒祇謨嘗作靈峰墓記

康熙杭州府志

或謂宋時以南山演福寺爲南天竺以北山靈峰爲北天竺以西方爲尊而三竺同謂之西天竺

徐增

靈隱寺志

靈峰高四十六丈在縣治之西北隅距城九里距西湖四里考其山脈由來遠矣據康熙杭州府志靈隱山去城西十二里其山起歛出陸跨富春控餘杭蜿蜒數百里結於錢塘如行兩臂南垂臙脂嶺北垂駝巘嶺卽桃源嶺嶺之東南爲靈峰又東

爲秦亭山山脈至此盡伏靈峰介桃源秦亭之間
以履泰仙姑諸山爲屏蔽則其山脈亦由歙縣而
來也道光時長白固慶於山下廣栽果木植梅尤
夥洪楊亂後梅悉無存宣統紀元慶雲補栽數百
本得復舊觀

新纂

元楊維禎靈峰 靈峰何崔嵬絕頂有故剎我
來試登高石路陰且滑時維八月秋西風轉蕭
颯溪深水迂回雲淨竹周匝行行過短橋峭壁
直如削況乃鳥道微孤猿度猶狹枯松枝新摧
亂石勢將場古碑已無字空遺綠苔壓對此神

氣清力行不知乏中有瀑布泉兩山競相夾樵
子日負薪野人時採藥路逢麻姑仙餽我飯一
勺遙聞鐘磬聲深林起鏞鎔老僧習禪定口念
摩訶薩日暮懇留予爲下陳蕃榻烹茶飯疏食
喜遂浮生樂夜深月色寒露逼征衣薄起來振
長嘯闐然天籟發明朝輒下山芒鞋著雙腳何
當駕青鸞乘風入寥廓

鐵崖集

明周詩早春入靈峰 杪秋經月杜門幽獻歲
乃爲鷲嶺遊梅萼已看迎臘吐澗泉猶自帶冰
雲蘿行樂風塵隔江海初衣歲月遒聞道山

人思削跡尙嫌城市邇丹邱

武林
梵志

清汪彭壽靈峰諸勝 俯檻窺羣岫青蒼撲面

來一峰蹲虎石雙闕闕雞臺玉筍撐空瘦金英

拂障開宵形呈眾妙雲路重徘徊

杭郡
詩輯

釋如理阻靈峰 白雲留我山中住故向靈巖

鎖不開乍散乍浮還自合飄然一朵進窗來

杭
郡

詩
輯

釋敬安春日靈峰塗中 春日多逸興獨去歛

巖扉澗草青承展溪雲白上衣落花隨水至野

鳥伴人飛樵路行將盡鐘聲出翠微

八指頭
陀詩集

青芝塢

在九里松石板巷玉泉山後

淳祐臨安志

南渡駐蹕繞湖皆巷市故有石板巷之名

乾隆浙江通志

咸淳臨安志履泰北鄉管六里其一青枝里是也

武林舊事作青芝曹學佺云常產青芝而名未必

然塢有五色土雜銀星者

湖山便覽

青枝古之里名塢之稱由是而出惟武林舊事以

爲青芝縣志因之當從咸淳志爲是

光緒杭州府志稿

青芝塢爲入靈峰所必經而入青芝塢則有數徑

凡西湖泊舟入山之所類稱曰步武林舊事云第

六橋通耿家步港據龍井見聞錄當在棲霞嶺下
入山所必經按棲霞嶺下有岳武穆墳與廟廟前
有步羣舟泊焉人呼之曰岳墳而不承以步字以
地測之殆卽昔之耿家步舍舟登陸每經此步向
西轉北爲東山衡爲小石板碁而達青芝塢或由
巨石山背西行經護國寺前越青石橋轉北而達
青芝塢或由九里松東行渡行春橋過雙峯插雲
亭入大石板碁而達青芝塢或由桃源嶺南下從
玉泉後山而達青芝塢青芝塢旣爲靈峰之先路
而其勝跡亦不可以不志因備錄於左

新纂

青芝塢側郡人高榮初偶穿土得古穴有磚方尺
餘首行鏤唐于府君墓志銘并序次行曰府君諱
昌嶠字光宇本安樂郡人□□第于文公之後近
祖昭理蘇州刺史六從之孫府君立性溫和爲人
敦厚權利判官知其禮節委以小舖之惕虔虔夕
惕若厲無咎嗚呼直心奉公不保餘慶享年卅有
七貞元十一年二月六日終家堂至七月八日葬
於新亭山之大墓禮也長子叔海次子叔政兄弟
五人弱冠小猶髻角祖母孫氏□與斬□慈親李
氏撫孤殞□銘曰大墓高壘新亭之陽于子世代